

PROJEKAT UNAPRJEĐENJA LOKALNOG RAZVOJA (GOLD)

Grant program

Ciljevi

Grant Program USAID Sida GOLD projekta osmišljen je kako bi nadopunio, distribuirao, promovisao i pružao podršku „alatima“ i pristupima koji će se razvijati kroz druge aktivnosti USAID Sida GOLD projekta, s ciljem povećanja nivoa ekonomske aktivnosti na području odabranih lokaliteta širom BiH gdje je fokus na prilikama za veliki ekonomski rast, potencijal za ulaganje i kreiranje radnih mjesta visoke vrijednosti. Glavni ciljevi Grant programa USAID Sida GOLD projekta su da: i) obezbijedi izvor fleksibilnih finansijskih sredstava za podršku ostvarenju projektnih ciljeva/komponenti, i ii) finansira ili sufinansira specifične diskrecione stavke koje mogu dovesti do povećanja sveukupnog ekonomskog rasta i razvoja.

Opšti pristup

Putem Grant programa USAID Sida GOLD projekta finansiraće se aktivnosti usmjerene na rezultate koje doprinose ostvarenju četiri projektna cilja:

1. Poboljšani kapaciteti za upravljanje lokalnom ekonomijom;
2. Poboljšani „alati“ za provođenje ekonomskih aktivnosti;
3. Funkcionalni, održivi, transparentni i institucionalizovani mehanizmi za uključivanje aktera iz javnog i privatnog sektora;
4. Osnaženi kapaciteti privatnog sektora.

Aktivnosti koje se budu finansirale putem grantova treba da se fokusiraju na sljedeće ključne indikatore učinka:

1. Kreiranje novih radnih mjesta;
2. Povećanje vrijednosti stranih direktnih i direktnih ulaganja;
3. Povećanje vrijednosti prodaje/prihoda; i
4. Povećanje vrijednosti izvoza.

Iako se grantovi mogu dodijeliti za podršku aktivnostima koje se provode na drugim lokalitetima, prednost će se davati finansiranju aktivnosti koje pružaju podršku partnerskim općinama/gradovima/distriktu USAID Sida GOLD projekta: Banja Luka, Bihać, Bijeljina, Bileća, Bosanska Krupa, Brčko Distrikt, Bužim, Cazin, Centar Sarajevo, Čapljina, Čitluk, Doboj, Goražde, Gračanica, Gradačac, Gradiška, Ilidža, Istočna Ilidža, Istočno Novo Sarajevo, Konjic, Kotor Varoš, Laktaši, Lopare, Lukavac, Ljubuški, Mrkonjić Grad, Nevesinje, Novi Grad Sarajevo, Novo Sarajevo, Pale, Prijedor, Sanski Most, Stari Grad Sarajevo, Srebrenik, Široki Brijeg, Teslić, Tešanj, Tomislavgrad, Trebinje, Tuzla, Ugljevik, Velika Kladuša, Visoko, Vogošća, Zenica, Zvornik i Živinice. Pored toga, USAID Sida GOLD projekat će sarađivati i pružati podršku privatnom sektoru u gradu Mostaru.

USAID Sida GOLD projekat će, kao jedno od načela provedbe Grant programa, primijenjivati pristup koji se koristi kod realizacije investicija iz privatnog sektora, uz konkretno ciljano učešće u troškovima. Grantovi će zbog toga biti strateški usmjereni na davanje poticaja koji će doprinijeti povećanju prinosa, pomažući da se stvore tržišta, te da se iskoriste već postojeće obaveze gdje god to bude moguće. Kako bi se izbjeglo preklapanje i dupliranje aktivnosti i narušavanje tržišta, Grant program će uzeti u obzir postojeće i očekivane programe pomoći drugih donatora, a posebno one koji su usmjereni na privatni sektor. Očekuje se da će ovo pomoći u stvaranju sinergije i povećanju učinka ovog Grant programa.

Posebna razmatranja

USAID Sida GOLD projekat će posvetiti posebnu pažnju tome da osigura da grantovi iz ovog programa slučajno ne ugroze aktivnosti unutar privatnog sektora, ili da ne dovedu do urušavanja lokalnog tržišta pružanjem finansijske pomoći odabranim organizacijama/firmama. Od aplikanta se očekuje da identificiraju konkretne mjere i aktivnosti za otklanjanje bilo kakve pojave urušavanja tržišta do koje može doći realizacijom konkretnih aktivnosti iz granta.

Pored ovog opšteg pristupa, Grant program će takođe pomoći ostvarivanju rezultata od zajedničkog interesa, i to širenjem najboljih praksi, stavljanjem naglasaka na uključenost mladih i ekonomsko osnaživanje žena, kao i na istraživanje, obuku i javno zagovaranje.

Dostupna finansijska sredstva

Budžet Grant programa USAID Sida GOLD projekta iznosi 3.5 miliona američkih dolara. Program će se implementirati u nekoliko krugova, kroz potpuni i otvoreni konkurentski proces, u periodu od 2014. – 2017. godine. Iznos pojedinačnih grantova može se kretati između 5,000 i 100,000 američkih dolara.

Glavne oblasti djelovanja

Grant sredstva će se koristiti za podršku aktivnostima u okviru tri široko definisane oblasti djelovanja, od kojih svaka ima različite ciljne korisnike, ciljeve, i očekivane rezultate, a kako slijedi:

- Opštinski razvoj: aktivnosti koje se budu finansirale putem grant sredstava fokusiraće se na pružanje podrške realizaciji javno-privatnih partnerstava (JPP), obuku i širenje informacija, certificiranje, i druge aktivnosti koje doprinose razvoju sveukupne sposobnosti opštine da privuče investicije i kreira nova radna mjesta;
- Razvoj poslovanja: aktivnosti koje se budu finansirale putem grant sredstava fokusiraće se, između ostalog, na razvoj poslovanja, inovativnost, te unapređenje izvoza;
- Razvoj radne snage: aktivnosti koje se budu finansirale putem grant sredstava fokusiraće se na razvoj vještina radne snage na zahtjev, te povećanje kapaciteta za zapošljavanje kako bi se popunila radna mjesta budućnosti.

Distribucija grant sredstava i broj dodijeljenih grantova unutar tri glavne oblasti djelovanja ovisiće o kvaliteti projektnih prijedloga i njihovom potencijalu da ostvare maksimalan učinak na ciljeve USAID Sida GOLD projekta, fokusirajući se na kreiranje novih radnih mjesta, povećanje prodaje, prihoda, izvoza i investicija.

Vrste grantova

U okviru USAID Sida GOLD projekta mogu se dodjeljivati tri vrste grantova:

- Standardni grantovi, kod kojih se grant sredstva isplaćuju za nadoknadu troškova organizaciji primaocu granta, a koji su nastali usljed provođenja aktivnosti koje se finansiraju putem granta.
- Grantovi sa fiksnom obavezom (FOGs), kod kojih se isplaćuju fiksni iznosi grant sredstava kako primalac granta bude ostvarivao unaprijed definisane ključne projektne faze. Maksimalna dužina trajanja ove vrste granta je tri godine.
- Grantovi u naturi, kod kojih USAID Sida GOLD projekat koristi grant sredstva za nabavku stalnih sredstava za primaoca granta.

Odabir vrste granta će se raditi na osnovu pažljive analize specifičnih ciljeva koje Projekat želi da ostvari i konteksta u kojem se trebaju provesti aktivnosti iz granta. Trajanje sporazuma o dodjeli grant sredstava može se kretati od tri mjeseca do nekoliko godina, ovisno o vrsti granta i obimu aktivnosti iz granta, ali ne može trajati nakon 31. decembra 2017. godine.